

Канон воскресен. Глас 6.

Песнь 1.

Ирмос: Яко по суху пешешествовав Израиль,/ по бездне стопами,/ гонителя фараона/ видя потопляема,/ Богу// победную песнь поим, вопияше.

Песнь 3.

Ирмос: Несть свят,/ якоже ты Господи Бóже мой,/ вознесый рог верных Твоих Бла́же,/ и утвердивый нас на ка́мени// исповéдания Твоего́.

Песнь 4.

Ирмос: Христос моя си́ла,/ Бóг и Господь, честная цéрковь/ боголéпно поет взыва́ющи,// от смысла чиста о Го́споде пра́зднующи.

Песнь 5.

Ирмос: Бóжиим/ светом Твоим Бла́же,/ у́тренующих Ти ду́ши/ любовию озари́, молю́ся,/ Тя ведети Слове Бóжий,/ истиннаго Бóга,// от мрака грехо́внаго взыва́юща.

Песнь 6.

Ирмос: Житейское мо́ре/ воздвиза́емое зря́ напáстей бурею,/ к т́ихому пристанищу Твоему притек, вопию́ Ти:/ возведи от тли живо́т мой,// Многоми́лостиве.

Песнь 7.

Ирмос: Росодательну убо пéщь/ содела́ ангел/ преподобным о́троком,/ халде́и же опаля́ющее/ веление Божие, мучителя увещá вопити:// благословéн еси Бóже о́тец наших.

Песнь 8.

Ирмос: Из пламене преподобным росу источи́л еси,/ и пра́веднаго жертву водою попали́л еси:/ вся́ бо твориши Христе, токмо еже хоте́ти,// Тя превозно́сим во вся веки.

Песнь 9.

Ирмос: Бóга/ челове́ком не возмо́жно ви́дети,/ на нЕго́же не смеют чини ангельстии взира́ти:/ Тобою же Всечистая, явися челове́ком/ Сло́во воплоще́нно,/ Его́же велича́юще,/ с небесными во́и// Тя ублажа́ем.

На хвалитех стихиры воскресны, глас 6:

1. Стих: Сотворити в них суд написан:/ слава сия будет всём преподобным Его.

Крест твой Гóсподи,/ жизнь и воскресение людем Твои́м есть,/ и наде́ющеса на́нь,/ Тебе воскресшаго Бога на́шЕго поём:// поми́луй нас.

2. Стих: Хвалите Бога во святых Его,/ хвалите Его во утвержéнии си́лы Его.

Погребение Твое Влады́ко,/ рай отверзе роду челове́ческому:/ и от истления избáвльшеса,/ Тебе воскресшаго Бога на́шЕго поём:// поми́луй нас.

3. Стих: Хвалите Его на силах Его,/ хвалите Его по мно́жеству вели́чества Его.

Со отцем и духом Христа воспо́йм,/ воскресшаго из мёртвых,/ и к Немú вопи́йм:/ Ты живот еси наш, и Воскресéние,// поми́луй нас.

4. Стих: Хвалите Его во гласе трубнем,/ хвалите Его во псалти́ри и гúслех.

Тридневен воскресл еси Христе от гроба якоже писано есть, совоздвигнувший праотца нашего. Темже Тя и славит род человеческий, и воспевает Твое воскресение.

Ины стихиры анатолиевы.

5. Стих: Хвалите Его в тимпане и лице,/ хвалите Его во струнах и органе.

Господи, велие и страшно есть Твоего воскресния таинство: тако бо произшел еси от гроба, яко жених от чертога, смертию смерть разрушивый, да Адама свободиши. Темже на небесех ангели ликовствуют, и на земли человецы славят, еже на нас бывшее благоутробие Твое, Человеколюбче.

6. Стих: Хвалите Его в кимвалех доброгласных, хвалите Его в кимвалех восклицания:/ всякое дыхание да хвалит Господа.

О пребеззаконнии иудее, где суть печати и сребреницы, яже дасте воином? не украдено бысть сокровище, но воскресе яко силен: сами же посрамистесь отвергшиися Христа Господа славы, пострадавша и погребенна, и воскресша из мертвых: Тому поклонимся.

7. Стих: воскресни Господи Боже мой, да вознесется рука Твоя, не забуди убогих Твоих до конца.

Запечатану гробу, како окрадени бысте иудее, стражы поставльше, и знамения положше, дверем заключенным пройде Царь? или яко мертва

представите, или яко Богу поклонитесь, с нами поюще: слава Господи кресту Твоему, и воскресию Твоему.

8. Стих: Исповемся Тебе Господи, всем сердцем моим,/ повем вся чудеса Твоя.

Живоприятнаго Твоего гроба, мироносицы жены рыдающа, достигнуша Господи, и мира носяща, тело Твое пречистое помазати искаху: обретоша же светоносна ангела на камени сидяща, и к ним вещающа, и глаголюща: что слезите, из ребр источившаго жизнь мирови? что ищете яко мертва во гробе Безсмертнаго? текша же паче возвестите Того учеником, славнаго Его воскресния всемирное радование, имже и нас Спасе просветивый, даруй очищение и велию милость.

Слава, стихира утренняя евангельская. И ныне: Препоблагословенна еси:

Славословие великое.

Таже, тропарь воскресен по Великом славословии, глас 6.

Воскрес из гроба, и узы растерзал еси ада,/ разрушил еси осуждение смерти Господи,/ вся от сетей врага избавивый:/ явивый же себе апостолом Твоим,/ послал еси я на проповедь,/ и теми мир твой подал еси вселенней,// Едино Многомилостиве.

Таже, ектении. И отпуст.

На Литургии.

Блаженны, глас 6:

Помяни мя Боже Спасе мой, егда приидеши во царствии Твоем, и спаси мя яко един Человеколюбец.

Стих: Блажени чистии сердцем, яко тии Бога узрят.

Древом Адама прельстившагося, древом крестным паки спасл еси и разбойника, вопиюща: помяни мя Господи во царствии Твоем.

Стих: Блажени миротворцы, яко тии сынове божии нарекутся.

Адова врата и верей сокрушивый жизнедавче, воскресил еси вся Спасе вопиющия: слава востанию Твоему.

Стих: Блажени изгнани правды ради, яко тех есть царство небесное.

Помяни мя, иже смерть пленивый погребением Твоим, и воскресением Твоим радости вся исполнимый, яко Благоутробен.

Стих: Бажени есте, егда поносят вам, и изженут, и рекут всяк зол глагол на вы лжуще мене ради.

Мироносицы ко гробу пришедша, ангела зовуща слышаху: Христос воскрес, просветивый всяческая.

Стих: Радуйтесь и веселитесь, яко мзда ваша многа на небесех.

На древе крестнем пригвоздившагося, и мир от прелести избавльшаго, согласно вси Христа воспоим.

Слава: Троицен: Отца, и сына славословим, и Духа Святаго, глаголюще: Троице Святая, спаси души наша.

И ныне: Богородичен: Неизреченно в последняя заченши, и рождши создателя Твоего, Дево, спасай Тя величающия.

Тропарь воскресен, глас 1:

Кáмени запечатану от иудéй,/ и воином стрегущим Пречистое Тéло Твоé,/ воскресл еси Тридневный Спáсе,/ даруй мíрови жízнь./ Сего рáди силы небесныя вопияху Ти Жизнодáвче:/ Слава Воскресению Твоемú, Христé:/ слава Царствию Твоемú:// слава смотрению Твоему, Едине Человеколю́бче.

Кондак, глас 1:

Подобен: Егда приидеши:

Воскрéсл еси яко Бог из гроба во сла́ве,/ и мир совоскресíл еси,/ и естество́ человеческое яко Бога воспева́ет Тя,/ и смéрть исчезé:/ Ада́м же ликует Влады́ко,/ Ева ныне от уз избавля́ема/ радуется зову́щи:// Ты еси, Иже всем подая Христе воскресéние.

Прокимен: глас 6: Спаси Господи, люди Твоя, и благослови достояние Твое.

Стих: К Тебе Господи воззову, Боже мой, да не премолчиши от мене.